



Broj: 02-05-1659/18  
Lukavac, 04.07.2018.godine

Na osnovu člana 64. stav (1). tačka b), člana 25. i člana 70. stav (1), (3) i (6) Zakona o javnim nabavkama („Sl. glasnik BiH“, broj: 39/14), na Preporuku Komisije za provođenje postupka javne nabavke broj: 02-05-1659/18 od 03.07.2018.godine u otvorenom postupku javne nabavke usluga oglašavanja u dnevnim novinama, Općinski Načelnik donosi

### **O D L U K U** **o izboru najpovoljnijeg ponuđača**

#### **Član 1.**

Prihvata se preporuka Komisije za provođenje postupka javne nabavke broj: 02-05-1659/18 od 03.07.2018.godine i Ugovor za nabavku usluga oglašavanja u dnevnim novinama dodjeljuje se ponuđaču „**OSLOBOĐENJE SERVISI**“ doo Sarajevo, ponuda broj: 758-4/18 od 29.06.2018.godine dostavljena dana 02.07.2018.godine, za ponuđenu cijenu u vrijednosti od 7.578,40 KM bez PDV-a, kao najpovoljnijem ponuđaču.

#### **Član 2.**

Izabrani ponuđač dužan je nakon prijema Odluke o izboru dostaviti **u roku od 7 (sedam) dana** originale ili ovjerene kopije dokaza o ispunjavanju uslova iz člana 45. stav (2) tačka a) do d) Zakona o javnim nabavkama BiH, navedene u tački 12.2., i dokaz o ispunjavanju uslova iz tačke 13.2.1.a) naveden u tački 13.2.5. Tenderske dokumentacije broj: 02-05-1659/18. Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan način, postupak javne nabavke će biti poništen.

#### **Član 3.**

Prijedlog ugovora o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana prijema obavještenja o izboru najpovoljnije ponude.

#### **Član 4.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### **Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 02-02-1-1658/18 od 12.06.2018.godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 8.547,00 KM. Obavještenje o nabavci broj: 719-1-2-37-3-45/18 objavljeno je na Portalu javnih nabavki dana 12.06.2018.godine.

Strana 1 od 2



ISO 9001:2015  
No. 308550 QM15

Općina Lukavac - Općinski Načelnik, Trg slobode 1, 75300 Lukavac  
[www.lukavac.ba](http://www.lukavac.ba) e-mail: [kabinet-nacelnika@lukavac.ba](mailto:kabinet-nacelnika@lukavac.ba)  
Tel. +387 35 366 700, fax: +387 35 366 703



ISO 9001:2015 No.  
308550 QM15

Komisija za provođenje postupka nabavke imenovana Rješenjem broj: 02-05-1743/18 od 19.06.2018.godine dostavila je ugovornom organu-Općinskom Načelniku Zapisnik o pregledu i ocjeni ponuda broj: 02-05-1659/18 od 03.07.2018.godine, Preporuku o izboru najpovoljnijeg ponuđača broj: 02-05-1659/18 od 03.07.2018.godine i Izvještaj o radu broj: 02-05-1659/18 od 03.07.2018.godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene dvije ponude;
- da su blagovremeno primljene dvije ponude;
- da nije bilo neblagovremeno primljenih ponuda;
- da ponuda ponuđača „DNEVNE NEZAVISNE NOVINE“ doo Banja Luka nije kvalifikovana.

Naime, ponuđač „DNEVNE NEZAVISNE NOVINE“ doo Banja Luka, nije postupio u skladu sa odredbama tačke **27. Nacrt okvirnog sporazuma** Tenderske dokumentacije, gdje se u stavu 1. doslovno navodi sljedeće: „Sastavni dio ove tenderske dokumentacije je Nacrt okvirnog sporazuma: *Prilog 8.*, u koji su uneseni svi elementi iz tenderske dokumentacije. Ponuđači su dužni uz ponudu dostaviti potpisani Nacrt okvirnog sporazuma *u koji su unijeli podatke iz svoje ponude*“.

Ponuđač „DNEVNE NEZAVISNE NOVINE“ doo Banja Luka, nije u Nacrt okvirnog sporazuma unio podatke iz svoje ponude, tačnije nije unesen podatak o registraciji i ID broj, nije unesena vrijednost okvirnog sporazuma, nije unesena adresa davaoca ponude, rok plaćanja i žiro račun davaoca ponude.

U vezi s naprijed navedenim, Komisija je u skladu sa tačkom 27. Tenderske dokumentacije, te članom 68. stav 1. Zakona o javnim nabavkama ponudu odbacila.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 8.547,00 KM i da je kriterij za dodijelu ugovora najniža cijena.

Ponuđač „OSLOBOĐENJE SERVISI“ doo Sarajevo dostavio je prihvatljivu ponudu u iznosu od 7.578,40 KM bez PDV-a.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015.godine riješeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Sekretar komisije:  
Fahrudin Hasanhodžić

#### **Dostaviti:**

1. „OSLOBOĐENJE SERVISI“ doo Sarajevo
2. „DNEVNE NEZAVISNE NOVINE“ doo Banja Luka
3. Evidenciji i
4. Arhivi.-



OPĆINSKI NAČELNIK  
D.Šci. Edin Delić